

Kukkunersiuisut aamma suliffeqarfiit kukkunersiuinermik suliaqartut akuerisat sulinerminnik aaqqissuussisarnerat pillugu Kalaallit Nunaannut nalunaarut

Kukkunersiuisut aamma suliffeqarfiit kukkunersiuinermik suliaqartut akuerisat pillugit inatsimmi, kunngip peqqussutaatigut nr. 219 af 7. marts 2023 -kkut Kalaallit Nunaannut atuutilersinneqartumi, § 16, imm. 5, aamma § 54, imm. 2 malillugit aalajangersarneqarpoq:

Kapitali 1

Atuuffia

§ 1. Nalunaarut una kukkunersiuisut aamma suliffeqarfiit kukkunersiuinermik suliaqartut akuerisat sulinerminnik aaqqissuussisarnernut piumasaqaatinik aaqqissuusiineruvoq, ukiumut naatsorsuutinik aammalu ingerlatseqatigiiffissuit naatsorsuutaannik suliaasaqaraangat kukkunersiuisarnermut atatillugu. Piumasaqaatit Erhvervsstyrelsen-ip nalinginnaasumik uppersaariaasiat malillugu kukkunersiuinernut atuutinngillat, tak. ukiumut naatsorsuutit pillugit inatsimmi § 135, imm. 1, 2. imm. kunngip peqqussutaatigut Kalaallit Nunaannut atuutilersinneqartumi.

Kapitali 2

Kukkunersiuisumik aammalu suleqatigiinnik suliarinnittusnik toqqaaneq

§ 2. Suliffeqarfik kukkunersiuinermik suliaqartoq ukiumut naatsorsuutinik imaluunniit ingerlatseqatigiiffissuup naatsorsuutaanik suliaasaqaraangat suliaqartussatut toqqaarneqarsimappat, suliffeqarfik kukkunersiuisumik ataatsimik imaluunniit amerlanerusunik kukkunersiuinissatut toqqassavai. Taanna imaluunniit taakkua kukkunersiuisussatut toqqakkat kukkunersiuinermik suliaassamut akisussaasuussapput.

Imm. 2. Suliffeqarfik kukkunersiuinermik suliaqartoq ataatsimik imaluunniit amerlanerusunik kukkunersiuinissanik toqqaanermi kukkunersiuinerup pitsaassusissaa, attuumassuteqannginnissaq aammalu piginnaasaqarneq immikkut mianerissavai.

Imm. 3. Suliffeqarfiup kukkunersiuinermik suliaqartup kukkunersiuisoq imaluunniit kukkunersiuisut toqqakkat naammattunik isumalluutissaqartissavai kiisalu inuit allat sulitissinnaassallugit, kukkunersiuinissamut pisariaqartunik piginnaasallit aammalu piisinnaasallit. 1. imm. assinganik atuutissaaq, kukkunersiuisoq nammineq inuttut suliffeqarfimmut kukkunersiuisussatut toqqaarneqarsimappat.

§ 3. Kukkunersiuisoq kukkunersiuinissamut piffissaliissaaq aamma isumalluutissanik atugassaqaartissaaq naammattunik.

Imm. 2. Kukkunersiuisoq imaluunniit inuit allat kukkunersiuinermut attuumassuteqartut immikkut ilisimasalinnut siunnersorneqarnissamik noqqaassuteqarpata, noqqaassuteqarneq aammalu siunnersorneqarneq uppersarneqarsinnaasariaqarput.

Kapitali 3

Kukkunersiuisup akisussaaffia

§ 4. Kukkunersiuisoq ukiumut naatsorsuutunik kukkunersiuinermut aammalu ingerlatseqatigiiffissuit naatsorsuutaanik kukkunersiuisinnaanermut suleqataassaaq.

Imm. 2. Kukkunersiuisup kukkunersiuinerit pitsaassusai akisussaaffigissavai, kukkunersiuisutut toqqarneqaatigisani naapertorlugu. Kukkunersiuisup minnerpaaffiatigut akisussaaffigisai makkuninnga ilaqarput:

- 1) Aqutsineq, nakkutilliineq aammalu kukkunersiuinermik ingerlatsineq.
- 2) Uppernarsaatip misissornera.
- 3) Kukkunersiuinermut atatillugu tulluartunik siunersiuiineq.
- 4) Suliffeqarfiit inuiaqatigiinnit imaluunniit kukkunersiuinermik sulianit allanit soqutigineqartunut tunngatillugu ukiumut naatsorsuutit aammalu ingerlatseqatigiiffissuup naatsorsuutigisinnaasaata pitsaassusaat isumannaarniarlugu misissuineq, tassani pitsaassutsimik isumannaarinninniarluni misissuineq inatsit malillugu piumasaqaataalluni, imaluunniit suliffeqarfiup aalajangersimagaa, taamatut misissuineq piumasaqaataasoq.

Imm. 3. Imm. 2 atuutissaaq, kukkunersiuisup kukkunersiuisut allat suliaanik atuinersoq apeqqutaanani.

Imm. 4. Suliassanik avammut tunioraaneq aalajangersagaq taanna malillugu suliffeqarfiup kukkunersiuinermik suliaqartup aamma kukkunersiuisup atsiortuusup akisussaaffiinik aamma pisussaaffiinik allannortitsinngilaq.

Kapitali 4

Uppernarsaaneq aamma nakkutilliineq

§ 5. Suliffeqarfiup kukkunersiuinermik suliaqartup makkua nalunaarsussavai:

- 1) Kukkunersiuisut pillugit inatsimmik aammalu suliffeqarfiit inuiaqatigiinni soqutigineqartut kukkunersiorneqarneranni inatsimmik tunngaveqarluni piumasaqaatinik aalajangersimasunik, suliffeqarfinnut inuiaqatigiinni soqutigineqartut pillugit peqqussut nr. 537/2014-imeersoq naapertorlugu, unioqqutitsinerit, suliffeqarfiup kukkunersiuinermik suliaqartup kingorna ilumini misissuineranut atatillugu paasineqartut.
- 2) Nr. 1-imi taaneqartunut unioqqutitsinerusinnaasunut kinguneqaatit, tassunga ilagitillugit suliniutit, unioqqutitsinerit paasineqartut ikiorserneqarnissaannut aammalu suliffeqarfiup kukkunersiuinermik suliaqartup pitsaassutsimik aqutsinermut atortuata allannortinneqarneri.
- 3) Kukkunersiuisimanerup inernera pillugu allakkatigut maalaarutit.

Imm. 2. Imm. 1, nr. 1-imi unioqqutitsinerit annikinnerusut ilaatinneqanngillat, iluani imaluunniit avataani pitsaassutsimik misissuinerimi kingornatigut paasineqartut.

Imm. 3. Suliffeqarfiit mikinerusut ukiumut naatsorsuutaannik kukkunersiuinermi imm. 1, nr. 1 taamaallaat atussaaq ingasattumik unioqqutitsinernut, tassunga ilagitillugu attuumassuteqannginnissamat malittarisassanik unioqqutitsineq.

Imm. 4. Imm. 1, nr. 3, suliffeqarfiit mikinerusut ukiumut naatsorsuutaasa kukkunersiorneqarnerannut atuutissanngilaq. Taamaattoq 1. imm. apeqqutaanani suliffeqarfiup iluani avataani pitsaassutsimik misissuinerimi kukkunersiuisup maalaarutit takutissinnaasariaqarpai.

Imm. 5. Suliffeqarfiup kukkunersiuinermik suliaqartup ukiumoortumik suliniut imm. 1, nr. 2 malillugu aalajangerneqarsimasut takussutissartaannik suliaqassaaq, ukiumut naatsorsuiffiup qaangiunneraniit qaammatit 3-t qaangiutsinnagit. Takussutissiaq suliffeqarfiup kukkunersiuinermik suliaqartup iluani tunniunneqassaaq.

Pinngorfiit takussutissartaat aamma sulianut toqqorsivik

§ 6. Suliffeqarfik kukknersiuinermik suliaqartoq politikkinik aamma ingerlatseriaatsinik aalajangersaassaaq, kukknersiuunneqartut tamaasa pinngorfinnut takussutissaqarnissaannik isumannaarisunik. Pinngorfiit takussutissartaat minnerpaamik paasisutissanik makkuninnga imaqaassapput:

- 1) Ateq, najugaq aamma angerlarsimaffik.
- 2) Kukknarsiuisut imaluunniit kunnersiuisut aqqi, kukknarsiuinermik suliassap ingerlannissaanut toqqagaasimasut aammalu kukknarsiuinermut ilanngussap tunniunniissaanut akisussaasuusut.
- 3) Ukiumi naatsorsuiffiusumi kukknarsiuinermik suliap ingerlanneqarneranut aammalu kiffartuunneqartumut kiffartuussinernut allanut akissarsiat tunngasut.

§ 7. Suliffeqarfiup kukknarsiuinermik suliaqartoq politikkinik aamma ingerlatseriaatsinik aalajangersaassaaq, kukknarsiuinermik sulianut tamanut toqqorsivinnik pilersitsinissamat isumannaarisunik.

Imm. 2. Sulianut toqqorsivik uppersaatinik naammattunik imaqaassaaq, kukknarsiuinermut ilanngussamat tunniunneqartumut toqqammaviusunik uppersaasumik, tak. kukknarsiuinermik inatsimmi § 19 aamma suliffeqarfiit inuiaqatigiinni soqutigineqartut inatsisit tunngavigalugit kukknarsiorneqarnissaanni piunasaqaatit aalajangersimasut pillugit peqqussummi nr. 537/2014-imeersumi artikeli 10 aamma 11 malillugit suliffeqarfiit inuiaqatigiinni soqutigineqartut nalunaarusiortarnissaat.

Imm. 3. Sulianut toqqorsivik minnerpaamik aamma makkuninnga uppersaatinik imaqaassaaq:

- 1) Kukknarsiuinermik suliassamik akuersineq aamma suliamik ingerlatitseqqiineq, tak. kukknarsiuisut pillugit inatsimmi § 15 a.
- 2) Kukknarsiuinissamat piareersarnek, tak. suliffeqarfiit inuiaqatigiinni soqutigineqartut inatsisit tunngavigalugit kukknarsiorneqarnissaanni piunasaqaatit aalajangersimasut pillugit peqqussummi nr. 537/2014-imeersumi artikeli 6.
- 3) Assigiinnisitaartut, tak. suliffeqarfiit inuiaqatigiinni soqutigineqartut inatsisit tunngavigalugit kukknarsiorneqarnissaanni piunasaqaatit aalajangersimasut pillugit peqqussummi nr. 537/2014-imeersumi artikeli 7.
- 4) Pitsaassutimik isumannaarinarluni misissuineq Kvalitetssikringsgennemgang, tak. suliffeqarfiit inuiaqatigiinni soqutigineqartut inatsisit tunngavigalugit kukknarsiorneqarnissaanni piunasaqaatit aalajangersimasut pillugit peqqussummi nr. 537/2014-imeersumi artikeli 8.

Imm. 4. Sulianik toqqorsiviup katersorneqarnera kukknarsiuinermut ilanngussap atsiorneqarneraniit kingusinnerpaamik ullut 60-it qaangiutsinnagit naammassineqassaaq.

Imm. 5. Kukknarsiuinermut ilanngussap atsiorneqarneraniit uppersaataat ukiuni 5-ni toqqortaatineqassaaq.

Kapitali 6

Pillaatissatut aalajangersagaq

§ 8. § 7-mik unioqutitsineq akiliisitaanermik pineqaatissiissutaassaaq.

Imm. 2. Aktianik piginneqatigiiffik, piginneqatigiiffik, andels-selskabi assigisaaluunniit (inatsisigut pisinnaatitaasut pisussaataasullu) unioqutitsisuuppata, piginneqatigiiffik pineqartoq akiliisitaanermut taamatut ittumut akisussaataasinnaapput, Kalaallit Nunaannut pinerluttulerinermik inatsimmi kapitali 5-mi malittarisassat malillugit.

Kapitali 7

Atuutilerfia

§ 9. Nalunaarut atuutilissaaq ulloq 15. april 2024.

Imm. 2. Aamma ukiumut naatsorsuutitut aammalu ingerlatseqatigiiffissuit naatsorsuutigisinnaasaannut atuutissaaq, ukiumut naatsorsuiffik ulloq 15. april 2024.

Erhvervsstyrelsen, ulloq 10. april 2024

Jørgen Wissing Jensen

/ Philip Frey